



御選宋詩卷第二十五目錄

七言古詩一

田錫三首

張詠二首

王禹偁一首

魏野一首

韓琦八首

范仲淹三首

文彥博二首

余靖一首

趙抃二首

御選宋詩 卷三五 目錄

石介三首

何郊一首

歐陽修三十首



087308

御選宋詩卷第二十五

七言古詩一

田錫

御溝

春半桃花水初下一溝澄綠光如砑夾道官城數里中
靜聽潺湲明月夜千門萬戶建章宮金鑲橫門溝暗通
三月花飛若零雨水流何處咽香紅

送春

花霏霏柳依依留春不住送春歸春歸何處堪圖畫春
盡江南日暮時黃鸝啼多芳草遠青梅子重楊花飛人
生三萬六千日與君復有明年期

御選宋詩

卷十五

田錫

一

風箏

白蘋洲暖春風生畫樓檻迥銀箏鳴鏗鏘節奏急復慢
空中一部天樂聲三十六宮深窳窳繡楹藻井光相照
十三弦上千般聲朝靄微吟暮煙嘯夜來親奉月中聞
繁弦促節何紛紜碎如鸞鈴與珂珮巫山隊仗迎湘君
晚來金屋愁微雨風細箏聲不全舉依稀嬪妾怕人知
啾啾切切私相語洪纖斷續何所拘鳳凰對著飛鸞孤
梧桐枝邊泊未穩琅玕節上鳴相呼有時方奏俄中絕
宮商斗頓如刀截杏花露重鴛鴦寒空見如霜滿庭月
有時半日全無風一一暮天樓閣紅唯聞鳥雀啄弦上
暖珠寒玉何玲瓏清音朝朝與暮暮誤聲不管周郎顧

祇嫌雅鄭文奏時寶鐸丁東暗相妬

張詠

寄程說傳逸人

綠楊陰陰長楸道桃李初飛紅杏小手浮大白口談天
得意相歡不知老一從召入金馬門三載長纓事邊徼
幾欲含毫寄別離悠悠亂思如芳草

寄晁同年

昔同白日昇穹碧還同水國司民籍三年不見頻寄書
兩月相過忘行役桃花江上雪霏霏黃鶴樓中風力微
幽勝逼人魂欲飛此時不醉無與歸人間美事應有主
別馬蹄雷邊塞土高樓一望心淒迷昨夜疎簷滴寒雨
御選宋詩 卷五 張詠 王禹偁
二
休誇筆力敵真風勿憶雲山千萬重但遇西風一行雁
殺青相問莫辭慵

王禹偁

應制皇帝親試貢士詩

天王出震寰海清魁星燦燦昭文明詔會郡國多貢士
大張珠網羅羣英皇情孜孜終不倦日斜猶御金鑾殿
宮柳低籠三月煙爐香飛入千人硯麻衣皎皎光如雪
一一重瞳賞鑒別孤雲得路荷君恩聚首唯言盡臣節
小臣蹤跡本塵泥登科曾賦御前題屈指方今五六載
如今已上青雲梯位列諫官無一語自問將何報明主
應制非才但淚垂強作登歌歌舜禹

楊億

禁直

鳳樓鴛瓦蟾波溼衆籟聲沉百蟲蟄仙盤雲表露成霜
何人夜半牛衣泣芝泥香熟封詔書河漢西傾移斗車
陰風撼撼起庭樹寒澌戛戛鳴宮渠千廬迭唱傳宵警
海山鼇背蓬壺頂金釭珠網結綺錢玉井銀牀垂素綆
前席受釐詢碩生觀書百斤須中程投籤卞應嚴鼓節
求衣誤聽蒼蠅聲渴烏漏盡繁星曙魚鑰建章開萬戶
初日瞳矓豔屋梁鳴鞭一聲下天路

魏野

太陽津渡

御選宓詩

卷三五

楊億

魏野

韓琦

三

數點歸鴉啼遠樹人行欲盡斜陽路暮靄還生竹塢邨
西風乍起茅津渡顛叩三兩待船人立蹇扶筇望水濱
忽見蘆中煙一縷祇應炊稻烹霜鱗

韓琦

答孫植太博後園宴射

花梢點紅芽綠茁宴亭爽塏堦堦雲列呼賓習射次序升
體裁人人矜勇挫六鈞力副百中藝由基注目老羿拽
支左屈右何太工象弭急收如列缺須臾一鏑入鷓心
畫鼓連轟盡聲喝後者審固意愈精有時大呼劈箭筈
惜哉最是毫釐差采侯似動筈微撒分明角勝各記暈
將終或爲一箭奪當筵主籌令難犯大白時舉出正罰

此禮自古尤所重，夔圃去留宜有別。五善大抵主和容，
不止穿楊與穿札。因憶當年黠羗叛，非才誤授將軍鉞。
帳下貔貅十萬師，力過生犀心似鐵。大仁未許覆兇巢，
飭謹封陲禦侵越。悍夫猛士志待騁，貯填憤氣何由洩。
正值高秋天氣寒，塞場霜重嚴風刮。約束偏裨整隊兵，
旌旗爍電戈矛雪。驅出長郊閱奇陣，離合應麾皆有節。
次引精銳較絕技，控弦命中無虛發。氣豪馬健走危坡，
直下千尋未嘗廢。收軍校獵圍平原，犬順人呼鷹解絀。
山麋衝軼犯勁矢，崗兔奔跳迷狡穴。大鵬盤空不輕搏，
老狐仰視肝膽裂。裂鞍賞獲犒部曲，浪瀉酒車輪染血。
將軍未酣衆心醉，耳後風生鼻頭熱。此日淮藩奉寬詔，
報國之誠盡攄豁。

廣陵大雪

淮南常歲冬猶燠，今年陰沴何嚴酷。黑雲漫天一月昏，
大雪飛揚平壓屋。風力軒號助其勢，擺撼琳琅摧凍木。
通宵徹晝不暫停，堆積樓臺滿溪谷。有時造出可憐態，
柳絮梨花亂紛撲。乘溫變化雨聲來，度日堦庭恣淋漓。
幾縈寒霰不成絲，驟集疎簷還掛瀑。蟄蛙得意欲跳擲，

御選宋詩

卷五

韓琦

四

幽鷺無情成挫辱，曾魚江叟冰透簑。賣炭野翁泥沒輻，
閭閻細民誠可哀。三市不喧游手束牛衣，破解突無煙。
餓犬聲微饑子哭，我聞上天主時澤。亦有常數滋農穀，
膏潤均於一歲中。是謂年豐調玉燭，此來盛冬過爾多。
却慮麥秋欠霑足，太平憂民仰天祝。願噓氛霾看晴旭，
望晴不晴無柰何。擁被醉眠頭更縮。

和袁陟節推龍興寺芍藥

廣陵芍藥真奇美，名與洛花相上下。洛花年來品格卑，
所在隨人趁高價。接頭著處騁新妍，輕去本根無顧藉。
不論姚花與魏花，只供俗目陪妖姹。廣陵之花性絕高，
得地不移歸造化。大豪大力或強遷，費盡擁培無豔冶。

御選宋詩

卷三五

韓琦

五

東君固是花之主，千苞萬萼從榮謝。似嬌東君汎愛心，
枉殺春風不肯嫁。遂令天下走香名，髣髴丹青競誇詫。
以此揚花較洛花，自合揚花推定霸。其間絕色可粗陳，
天工著意誠堪訝。仙家冠子鏤紅雲，金線妝治無匹亞。
旋心體弱不勝枝，寶髻欹斜猶墮馬。冰雪肌膚一纈斑，
新試守宮明似赭。雙頭兩兩最多情，象物更呈鞍面窠。
樓子亭亭欠姿媚，特有怪狀堪圖寫。見者方知畫不真，
未見直疑傳者詐。前賢大欲巧賦詠，片言未出心先怕。
天上人間少其比，不似餘芳資假借。我來淮海涉三春，
三訪龍興舊僧舍。問得龍興好事僧，每歲看承不敢暇。
後園栽植雖甚蕃，及見花成由取捨。出羣標致必驚人，

方徙矮壇臨大厦客來只見軒檻前國豔天姿相照射
因知靈種本自然須憑精識能陶冶君子果有育材心
請視維揚種花者

後園寒步

如何天地舉寒令獨將殺氣凌邊遐公園跬步亦難往
試來舉目成吁嗟長空黯澹作愁色日光似透雲還遮
朔風刮面不吹雪徒擾萬竅掀黃沙園中索莫不可狀
唯視衆木攢枯槎如有漢將肅行陣遠涉大漠平番家
貔貅凍列樹營壁巨矛長戟何交加老樹一二柯葉在
外皮皴裂埋殭蛇幽禽聲好久絕聽孤城遠近號饑鴟
齋中酒熟忍自酌幾何貧戶無纖麻冥官持權用意惡
直欲萬類殲陰邪窮嚴極烈勢未已不知泉底生陽芽

御選宋詩

卷五 韓琦

六

臘日出獵近郊

悲風吼林霜草白殺氣稜稜慘空碧因畋講事此其時
况值嘉平農已隙暫整和門出近郊獵獵旌旗原燒赤
狩場一望天四垂貔虎意豪猶恨窄鼓動圍開翼復箕
人知部分如刀劃飛走竄伏不得暇狡兔幸生徒奮擲
饑鷹眼捷翅頭健下韉風發無虛搦鵲拳交擊或未仆
繼嗾韓盧追以咋忽穿叢薄失所捕旺焉便縱摩霄翮
不似寒鴟得腐鼠傲然直視鷓雛嚇烏鶉鵲雉曷足數
亦有晨風競搜索其間駭獸欲凌突悍卒爭趨矜手格
前驅反旆弗及舍丘山大委虞中獲翻車瀉酒犒士衆

萬刀剗肉恣燔炙塞防寓令豈徒然不在詩人刺荒癘
王者設官猶取衆大奸宿猾許擒扼乘時廢職莫自効
勿謂鷲鳥無全策別有老狐智計巧只就高城營窟宅
疑冰識扱行步穩此日何由見蹤跡鵬兮鵬兮未得志
將軍憤懣如何釋

答章望之祕校惠詩求古瓦硯

魏宮之廢知幾春其間萬事成埃塵唯有昭陽殿瓦不
可壞埋沒曠野迷荒榛陶甄之法世莫得但貴美璞踰
方珉數百年來取爲硯墨光爛發波成輪求之日盛得
日少片材無異圭璧珍巧工近歲知衆寶雜以假偽窺
錢緡頭方面凸概難別千百未有三二真我來本邦責
御選宋詩

卷五 韓琦

七

鄴令朝搜暮索勞精神遺基壞地徧剝窟始獲一瓦全
元淳蘚斑著骨尚乾翠夜雨點漬痕如新當時此復近
簷溜印以篆字花其脣磨礮累日喜成就要完舊質知
無倫吾才寡陋不足稱思與好古能文人好古能文今
者誰武寧祕書章表民無詩尚欲兩手拊何況大雅之
奏聞鏗純

觀胡九齡員外畫牛

丹青之筆奪造化能者幾何登品錄蛟龍獰惡鬼神怒
更工不接時人目有形之物至者稀是否難欺衆所矚
絳臺胡掾文章外偏向畫牛其好酷海內馳名三十年
得者珍藏過金玉老來纔始著青衫養親不及朝家祿

前日野服忽相過云訪恩知走京轂微風入指未能畫
示我蠟本數十幅採撫諸家百餘狀毫端古意多含蓄
鬪者取力全在角臥者稱身全在腹立者髣髴精神慢
背者分數頭項促行者動作皆得羣乳者顧視真憐犢
當流汨戲益自在欲渡或疑猶蓄縮從容飲嚙得天真
荷鞭時有童兒牧或橫一笛坐牛背便是無聲太平曲
江天雨雪易溟濛風勢掀號摧古木欹斜篔簹趁牛歸
蕭疎暮景煙邨宿奇哉胡掾老筆不可到戴叟重生須
死伏吾觀諸牛之態雖盡妙尚有所遺思未喫牛於民
生功最大不畫牛功牛亦辱胡君胡君聽我言別選輕
綃成巨軸寫出區區耒耜勤使知天下由我食方足

御選定詩

卷三五

韓琦

八

醉白堂

顛老新成池上堂因憶樂天池上篇樂天先識勇退早
凜凜萬世清風傳古人中求尚難擬自顧愚者孰可肩
但舉當時池上物媿今之有殊未全池東無廩貯餘粟
池西無亭揮五絃中無高橋跨三島下壓鼇背浮清漣
其間合奏散序者童妓百指皆嬋娟平無三石展湘簟
靜無雙鶴翹丁仙雅無吳郡青版舫游泛安便牢且堅
吾今謀退亦易足池南大屋藏羣編一車豈若萬籍富
子孫得以精覃研夾堂修竹抱幽翠森森擁檻竿逾千
池中所出粗可愛茨盤菱角紅白蓮芍藥多名來江都
牡丹絕豔移洛川及時花發池左右香苞爛染朝霞鮮

顛老於此興不淺間會賓屬陳芳筵妖妍姬侍目嘉卉
啞啞絲竹聽流泉宜城釀法亦云美詩酒僅可追前賢
狂吟氣健薄霄漢豪飲體放忘貂蟬酒酣陶陶睡席上
醉鄉何有但浩然人生所適貴自適斯適豈異白樂天
未能得謝已如此得謝吾樂知誰先

范仲淹

中元夜百花洲作

南陽太守清狂發未到中秋先賞月百花洲裏夜忘歸
綠梧無聲露光滑天學碧海吐明珠寒輝射空星斗疎
西樓下看人間世瑩然都在青玉壺從來酷暑不可避
今夕涼生豈天意一笛吹銷萬里雲主人高歌客大醉
御選宋詩 卷五 韓琦 范仲淹
客醉起舞逐我歌弗歌弗舞如老何

依韻答賈黯監丞賀雪

今之刺史古諸侯孰敢不分天子憂自秋徂冬渴雨雪
旬奏空文慙傳郵得非郡國政未洽刺史閉閣當自尤
上賴天子仁且聖神龍奔走不俟求同雲千里結雪意
一夕密下誠如羞俗有雪羞多
夜落之句曉來賞心江海上東望不見
三神丘揮祛厲氣發和氣明年黍稷須盈疇煙郊空澗
獵者健酒市暖熱沾人稠光精燦燦奪劔戟清寒拂拂
生衣裘鈴齋賀客有喜色飲酣歌作擊前籌常願帝力
及南畝盡使風俗如東鄒誰言吾子青春者意在生民
先發謳

依韻和提刑太博嘉雪

南陽風俗常苦耕太守憂民敢不誠今秋與冬數月旱
二麥無望愁編氓龍遁雲藏不肯起荒祠巫鼓徒轟轟
昨宵天意驟回復繁陰一片飄寒瑛裁花片片盡六出
化工造物何其精散亂狂飛若倚勢徘徊宛舞如含情
千門競掃明月色萬木都圻寒梅英天上風流忽爾在
人間險阻無不平因松偶作琴瑟調過竹徐聞環珮聲
江天鳴雁畏相失龍庭奔馬豪如驚丞相沙堤初踏練
將軍紕髯渾綴纓崖前饑煞嘯風虎海上凍死吞舟鯨
我有高樓擘雲上雙瞳一開千里明羣閭逐去疫厲遠
長達壓下塵埃清當知有年可坐致東臯父老休營營
御選宋詩

卷五

范仲淹

文彥博

十

因招大使賞天瑞醉把羲皇向上評窮通得喪了無事
莊老器宇何難并君起作歌我起和天地和氣須克盈
當年此樂不可得與雪對舞攄平生共君學取雪好處
平施萬物如權衡

文彥博

寄贈華清觀大師

五城三洞朝真客紫房名隸神仙籍玉案晨餐沆瀣精
椒庭夜飲流霞液姑山綽約冰雪容亭亭霞外脫塵蹤
飈馭狂遊紫貝閣雲裝醉入白銀宮想陪桂父與金母
崑蓬春賞蟠桃紅愚亦放懷隨淡泊採芝茹朮希彭朔
常祕六泥東竈丹每求五色西山藥紫臺久判浮丘袂

錦川繡嶺三千里羽駕鸞驂未載逢經年望斷函關氣

過燕川渡

燕川東北孔山西借車直渡馬頭溪

退之詩云馬頭溪深不可厲借車載過水入箱

樵引路津不迷行行引上青雲梯回頭下視林木低谷風冷冷山鳥啼岩隈泉甘土仍肥昔人於斯卜幽棲春深芝术生新萋采芝茹术希夷齊諸公共游不知疲長吟吐氣如虹蜺水濱石上寫此詩手拭蒼苔脚踏泥冒寒履險不憚辭勉欲繼踵前賢題

余靖

代贈

幽房寂寞時香散輕袿衣可憐夜永不成寐苦恨春殘

御選宋詩

卷二五

文彥博

余靖

趙抃

十一

猶未歸歸時一見伸修省寶柱新聲逐調移多少相思說不盡淚滿玉壺看自知

趙抃

訪何若谷

君愛仙源壓塵俗高樓對起闌干曲朝霞灼灼浮晴暉二十四峰照羣玉樓下長江煙水綠樓前有瀨歸舸促主人借問何時還回首崢嶸看不足

順風呈范御史

濠州抵泗里數百長淮波平曉如席鳴鑿解綽楊柳堤畫船中有東吳客君恩得請許歸去聊治里閭去咫尺歲窮天遠心欲飛念之汲汲事行役豁如天意適吾願

號令西北起風伯初時淅淅似鼓動布帆尚留十幅窄
孤檣得勢安以平中流激箭巨浪劈篙橫檣閣力不用
疾若鷺隼增羽翮瞥然兩眼瞬霎過木葉馳黃山走碧
擎舟月餘今日快一樽自歌兩手拍樽中酒空不自歌
順風好景如之何毘陵太守同此樂爲言無惜新詩多

石介

聞子規

月上半峰峰樹碧子規啼苦月無色壯士耳邊都不聞
兒女眼中淚自滴古人出處非關身處兮事親出事君
服勤至死不敢倦避勞擇逸無所聞我看蜀道誠爲難
嗟爾子規何云云王尊九折竟叱馭班超萬里圖立勳

御選宋詩

卷三五

題排

石介

十一

乘危蹈險盡臣節二人至今揚清芬我本魯國一男子
少小氣志凌浮雲精誠許國貫白日有心致主爲華勳
位卑身賤難自達滿腹帝典與皇墳有時憤懣吐一言
小人謗議已紛紛宰相寬容天子慈八年之中三從軍
從軍官清我何苦嘉州路遠爾勿語地不爲我易其險
我豈守道不能固子規子規漫啼絕斷無清淚灑向汝
送范署赴天雄李太尉辟命二首

我家泰山徂徠間濃嵐潑翠粘衣冠君來訪我茅屋下
正直山色含春寒終日把酒對山坐幾片山花落酒盤
峰頭空好望無倦筇裏酒多傾不乾臨行再拜殷勤別
請我一言披心肝吾貧無錢以贈君門前峨峨橫兩山

願君節似兩山高眼看富貴如鴻毛

伯樂之廢無駑駘豫章之林多瑰材相君新坐碧油幢
之子直上黃金臺秋風蕭蕭動笳鼓落葉撼撼鳴鐔疊
將軍手持十萬騎陣前號令如疾雷從事借籌為決勝
運於掌上何恢恢蠢茲元昊命螻蟻西師堂堂難當哉
况我賢相賢從事北門無憂宜大開

何郊

益州州學聖訓堂詩

益為藩捍西南隅物衆地大稱名都擇守來頒茲土政
治人頗與他邦殊差跌一有戾條教便宜皆得行黥誅
羣姦帖息不敢動無復弄兵覬穿窬任威或謂一時事

御選宋詩

卷五

石介

何郊

十三

立政恐非長世圖豈無達識究是否重在改作徒嗟呼

仲翁

字翥

裔孫有偉度敢決不以常文拘當官勇欲除弊

法伊憂內惻仁心孚視人無異遠方意威行惠政還相

須始時歲荒力賑救坐使餓殍成完膚既而為俗思根

本其在立學陳師模大開儒庠務誨導秀民聳慕紛來

趨遂言謂署鴻生職使演經傳傳諸徒奏函一上聞法

座詔劄即日來諧俞詔云信汝辦治蜀緩任威罰先文

儒公心感激侈上賜刺在金石尊神謨覆之大厦勝美

稱日久傳著期無渝邦人承風為盛事觀者填道來于

于吁嗟多士其聽命勿即邪徑安夷塗師無訛聖生率

教信尚姬孔尊唐虞施之鄉邦勵雅俗仁誼得以相持

扶漢皇初始盛文學起自蜀國行中區本朝教化視三代建元安可為齊驅吾君訓辭諭萬里義均盤誥茲宣敷吾守教本樹一國學盛洙泗相涵濡臣謀君從協大義聖哲倡和真同符欲歌盛節示萬古才不逮志嗟其愚

歐陽修

三遊洞

漾檝泝清川捨舟緣翠嶺探奇冒層嶮因以窮人境弄舟終日愛雲山徒在青蒼杳靄間誰知一室煙霞裏乳竇雲腴凝石髓蒼崖一徑橫查渡翠壁千尋當户起昔人心賞為誰留人去山阿跡更幽青蘿綠桂何岑寂山鳥嚶嚶不驚客松鳴澗底自生風月出林間來照席仙境難尋復易迷山回路轉幾人知惟應洞口春花落流出巖前百丈谿即下牢溪也

黃牛峽祠

大川雖有神淫祀亦其俗石馬繫祠門山鷓噪叢木潭潭邨鼓隔溪聞楚巫歌舞送迎神畫船百丈山前路上灘下峽長來去江水東流不暫停黃牛千古長如故峽山侵天起青嶂崖崩路絕無由上黃牛不下江頭飲行人惟向舟中望朝朝暮暮見黃牛徒使行人過此愁山高更遠望猶見不是黃牛滯客舟

語曰朝見黃牛暮見黃牛一朝暮黃牛如故言江惡難行久

不能過也

御選宋詩

卷五

何郊

歐陽修

十四

千葉紅梨花

峽州署中舊有此花前無賞者知郡朱郎中始加欄檻命座客賦之

紅梨千葉愛者誰
白髮郎官心好奇
徘徊繞樹不忍折
一日千匝看無時
夷陵寂寞千山裏
地遠氣偏時節異
愁煙苦霧少芳菲
野卉蠻花鬪紅紫
可憐此樹生此處
高枝絕豔無人顧
春風吹落復吹開
山鳥飛來自飛去
根盤樹老幾經春
真賞今纔遇
使君風輕絳雪樽
前舞日暖繁香露
下聞從來奇物產
天涯安得移根植
帝家猶勝張騫為
漢使辛勤西域徙榴花

聖俞會飲

時聖俞赴湖州

傾壺豈徒強君飲
解帶且欲留君談
洛陽舊友一時散

十年會合無二三
京師早久塵土熱
忽值晚雨涼
纖纖

御選宋詩

卷十五

歐陽修

十五

滑公井泉釀最美
赤泥印酒新開緘
更吟君句勝啖肉
杏花妍媚春酣酣
吾交豪俊天下選
誰得衆美如君兼
詩工鑱刻露天骨
將論縱橫輕玉鈐
遺編最愛孫武說
往往曹杜遭夷芟
關西幕府不能辟
隴山敗將死可慙
嗟子身賤不敢薦
四十白髮猶青衫
吳興太守詩亦好
往奏玉管和英咸
盃行到手莫辭醉
明日舉棹天東南

晉祠

古城南出十里間
鳴渠夾路何潺潺
行人望祠下馬謁
退即祠下窺水源
地靈草木得餘潤
鬱鬱古栢含蒼煙
并兒自古事豪俠
戰爭五代幾百年
天開地闢真主出
猶須再駕方凱旋
頑民盡遷高壘削
秋草自綠埋空垣

并人昔遊晉水上清鏡照耀涵朱顏晉水今入并州裏
稻花漠漠澆平田廢興彷彿無舊老氣象寂寞餘山川
惟存祖宗聖功業干戈象舞被管絃我來覽登爲歎息
暫照白髮臨清泉鳥啼人去廟門闔還有山月來娟娟

鎮陽殘杏

鎮陽二月春苦寒東風力弱冰雪頑北潭跬步病不到
何暇騎馬尋郊原鵬丘新晴暖已動砌下流水來潺潺
但聞簷間鳥語變不覺桃杏開已闌人生一世浪自苦
盛衰桃杏開落間西亭昨日偶獨到猶有一樹當南軒
殘芳爛熳看更好皓若春雪團枝繁無風已恐自零落
長條可愛不可攀猶堪携酒醉其下誰肯伴我頽巾冠

御選宋詩

卷五

歐陽修

六

初伏日招王幾道小飲

北園數畝官牆下嗟我官居如傳舍滹沱北渡馬踏水
西山病歸花已謝落英不見空繞樹細草初長猶可藉
空園一鎖不復窺不覺芳溪繁早夏隔牆時時聞好鳥
如得嘉客聽清話今朝試去繞園尋綠李橫枝礙行馬
蒲萄憶見初引蔓翠葉陰陰還滿架紅榴最晚子已繁
猶有殘花藏葉罅人生有酒復何求官事無了須偷暇
古云伏日當早歸况今著令許休假能來解帶相就飲
爲子掃月開風榭

啼鳥

窮山候至陽氣生百物如與時節爭官居荒涼草樹密

撩亂紅紫開繁英花深葉暗耀朝日日暖衆鳥皆嚶鳴
鳥言我豈解爾意綿蠻但愛聲可聽南窗睡多春正美
百舌未曉催天明黃鸝顏色已可愛舌端啞咤如嬌嬰
竹林靜啼青竹筍深處不見唯聞聲陂田繞郭白水滿
戴勝穀穀催春耕誰謂鳴鳩拙無用雌雄各自知陰晴
雨聲蕭蕭泥滑滑草深苔綠無人行獨有花上提葫蘆
勸我沽酒花前傾其餘百種各嘲啗異鄉殊俗難知名
我遭讒口身落此每聞巧舌宜可憎春到山城苦寂寞
把盞常恨無娉婷花開鳥語輒自醉醉與花鳥爲交朋
花能嫣然顧我笑鳥勸我飲非無情身閒酒美惜光景
惟恐鳥散花飄零可笑靈均楚澤畔離騷憔悴愁獨醒

御選宋詩

卷五

歐陽修

十七

滄浪亭

子美寄我滄浪吟邀我共作滄浪篇滄浪有景不可到
使我東望心悠然荒灣野水氣象古高林翠阜相回環
新篁抽筍添夏影老枿亂發爭春妍水禽閒暇事高格
山鳥日夕相啾喧不知此地幾興廢仰視喬木皆蒼煙
堪嗟人跡到不遠雖有來路曾無緣窮奇極怪誰似子
搜索幽隱探神仙初尋一徑入蒙密豁目異境無窮邊
風高月白最宜夜一片瑩淨鋪瓊田清光不辨水與月
但見空碧涵漪漣清風明月本無價可惜祇賣四萬錢
又疑此境天乞與壯士憔悴天應憐鴟夷古亦有獨往
江湖波濤渺翻天崎嶇世路欲脫去反以身試蛟龍淵

豈如扁舟任飄兀紅蕖綠浪搖醉眠丈夫身在豈長棄
新詩美酒聊窮年雖然不許俗客到莫惜佳句人間傳

菱溪大石

新霜夜落秋水淺有石露出寒溪垠苔昏土蝕禽鳥啄
出沒溪水秋復春溪邊老翁生長見疑我來視何殷勤
愛之遠徙向幽谷曳以三犢載兩輪行穿城中罷市看
但驚可怪誰復珍荒煙野草埋沒久洗以石竇清冷泉
朱欄綠竹相掩映選致佳處當南軒南軒旁列千萬峰
曾未有此奇嶙峋乃知異物世所少萬金爭買傳幾人
山河百戰變陵谷何爲落彼荒溪濱山經地誌不可究
遂令異說爭紛紜皆云女媧初鍛鍊融結一氣凝精純
御選宋詩

卷三五

歐陽修

六

仰視蒼蒼補其缺染此紺碧瑩且溫或疑古者燧人氏
鑽以出火爲炮燔苟非神聖親手跡不爾孔竅誰雕剜
又云漢使把漢節西北萬里窮崑崙行經于闐得寶玉
流入中國隨河源沙磨水激自穿穴所以鑄鑿無瑕痕
嗟余有口莫能辨歎息但以兩手捫盧仝韓愈不在世
彈壓百怪無雄文爭奇鬪異各取勝遂至荒誕無根原
天高地厚靡不有醜好萬狀奚足論惟當掃雪席其側
日與嘉客陳清樽

豐樂亭小飲

造化無情不擇物春色亦到深山中
山桃溪杏少意思
自趁時節開春風
看花遊女不知醜
古妝野態爭花紅

人生行樂在勉強有酒莫負琉璃鍾主人勿笑花與女
嗟爾自是花前翁

四月九日幽谷見緋桃盛開

經年種花滿幽谷花開不暇把一卮人生此事尚難必
況欲功名書鼎彝深紅淺紫看雖好顏色不柰東風吹
緋桃一樹獨後發意若待我留芳菲清香嫩蕊含不吐
日日怪我來何遲無情草木不解語向我有意偏依依
羣芳落盡始爛漫榮枯不與衆豔隨念花意厚何以報
惟有醉倒花東西盛開比落猶數日清樽尚可三四攜

鸚鵡螺

大哉滄海何茫茫天地百寶皆中藏牙鬚甲角爭光鉉

御選宋詩

卷三五

歐陽修

尤

腥風怪雨灑幽荒珊瑚玲瓏巧綴裝珠宮貝闕爛煌煌
泥居殼屋細莫詳紅螺行沙夜生光負材自累遭剗腸
匹夫懷僻古所傷濃沙剝蝕隱文章磨以玉粉綠金黃
清樽旨酒列華堂隴鳥回頭思故鄉美人清歌蛾眉揚
一釂凜冽回春陽物雖微遠用則彰一螺千金價誰量
豈若泥下追含漿

送徐生之澠池

河南地望雄西京相公好賢天下稱吹噓死灰生氣燄
談笑暖律回嚴凝曾陪樽俎被顧盼羅列臺閣皆名卿
徐生南國後來秀得官古縣依峻陵脚靴手板實卑賤
賢俊未可吏事繩攜文百篇赴知己西望未到氣已增

我昔初官便伊洛當時意氣尤驕矜主人樂士喜文學
幕府最盛多交朋園林相映花百種都邑四顧山千層
朝行綠槐聽流水夜飲翠幙張紅燈爾來飄流二十載
鬢髮蕭索垂霜冰同時並遊在者幾舊事欲說無人應
文章無用等畫虎名譽過耳如飛蠅榮華萬事不入眼
憂患百慮來填膺羨子年少正得路有如扶桑初日昇
名高場屋已得雋世有龍門今復登出門相送親與友
何異籬鷄瞻雲鵬嗟我筆硯久已格感激短章因子興

鷓鴣詞效王建作

龍樓鳳闕鬱崢嶸深宮不聞更漏聲紅紗蠟燭愁夜短
綠窗鶉鴣催天明一聲兩聲人漸起金井轆轤聞汲水

御選宋詩

卷三五 歐陽修

二

三聲四聲促嚴妝紅靴玉帶奉君王萬年枝軟風露溼
上下枝間聲轉急南衙促仗三衛列九門放鑰千官入
重城禁籞鎖池臺此鳥飛從何處來君不見潁河東岸
邨陂澗山禽野鳥常嘲啞田家惟聽夏鷄聲鷓鴣京西邨人謂之夏鷄
夜夜籠頭耕曉月可憐此樂吾獨知眷戀君恩今白髮

贈沈遵 并序

予昔於滁州作醉翁亭於琅琊山有記刻石往往
傳人間太常博士沈遵好奇之士也聞而往遊焉
愛其山水歸而以琴寫之作醉翁吟一調惜不以
傳人者五六年矣去冬予奉使契丹沈君會予恩
冀之間夜闌酒半出琴而作之予旣嘉客之好尚

又愛其琴聲乃作歌以贈之

羣動夜息浮雲陰沈夫子彈醉翁吟醉翁吟以我名我
初聞之喜且驚宮聲三疊何泠泠酒行暫止四座傾有
如風輕日暖好鳥語夜靜山響春泉鳴坐思千巖萬壑
醉眠處寫君三尺膝上橫沈夫子恨君不爲醉翁客不
見翁醉山間亭翁歡不待絲與竹把酒終日聽泉聲有
時醉倒枕谿石青山白雲爲枕屏花間百鳥喚不覺日
落山風吹自醒我時四十猶強力自號醉翁聊戲客爾
來憂患十年間鬢髮未老嗟先白滁人思我雖未忘見
我今應不能識沈夫子愛君一罇復一琴萬事不可干
其心自非曾是醉翁客莫向俗耳求知音

御選宋詩

卷三五

歐陽修

三

於劉功曹家見楊直講褒女奴彈琵琶戲作呈

聖俞

大弦聲遲小弦促十歲嬌兒彈啄木啄木不啄新生枝
惟啄槎牙枯樹腹花繁蔽日鎖空園樹老參天杳深谷
不見啄木鳥但聞啄木聲春風和暖百鳥語山路磽确
行人行啄木飛從何處來花間葉底時丁丁林空山靜
啄愈響行人舉頭飛鳥驚嬌兒身小指撥硬功曹廳冷
絃索鳴繁聲急節傾四座爲爾飲盡黃金觥楊君好雅
心不俗太學官卑飯脫粟嬌兒兩幅青布帟三脚木牀
坐調曲奇書古畫不論價盛以錦囊裝玉軸披圖掩卷
有時倦臥聽琵琶仰看屋客來呼兒旋梳洗滿額花鈿

貼黃菊雖然可愛看目秀無柰長饑頭頸縮宛陵詩翁
勿謂渠人生自足乃為娛此兒此曲翁家無

初食雞頭有感

六月京師暑雨多夜夜南風吹芙蓉凝祥池鎖會靈園
僕射荒陂安可擬爭先園客採新苞剖蚌得珠從海底
都城百物貴新鮮厥價難酬與珠比金盤磊落何所薦
滑臺撥醅如玉醴自慙竊食萬錢厨滿口飄浮嗟病齒
却思年少在江湖野艇高歌菱苳裏香新味全手自摘
玉潔沙磨軟還美一瓢固不羨五鼎萬事適情為可喜
何時遂買潁東田歸去結茅臨野水

晚泊岳陽

御選宋詩

卷二五

歐陽修

三

臥聞岳陽城裏鐘繫舟岳陽城下樹正見空江明月來
雲水蒼茫失江路夜深江月弄清輝水上人歌月下歸
一闕聲長聽不盡輕舟短楫去如飛

代贈田文初

感君一顧重千金贈君白璧為妾心舟中繡被熏香夜
春雪江頭三尺深西陵長官頭已白憔悴窮愁愧相識
手持玉笋唱陽春江上梅花落如積津亭送別君未悲
夢闌酒解始相思須知巫峽聞猿處不似荆江夜雪時

惠泉亭

翠壁刻孱顏煙霞跬步間使君能愛客朝夕弄山泉春
巖雨過春流長置酒來聽山溜響鑑中樓閣俯青池雪

裏峰巒開曉幌須知情興無時已酒美賓嘉自相對席
間誰伴謝公吟日暮多逢山簡醉淹留桂樹幾經春野
鳥巖花識使君使君今是樽前客誰與山泉作主人

寄聖俞

西陵山水天下佳我昔謫官君所嗟官閒憔悴一病叟
縣古瀟灑如山家雪消深林自劬筍人響空山隨摘茶
有時攜酒探幽絕往往上下窮煙霞崑蓀綠縵軟可藉
野卉青紅春自華風餘落藥飛回旋日暖山鳥鳴交加
貪追時俗翫歲月不覺萬里留天涯今來寂寞西岡口
秋盡不見東籬花市亭插旗鬪新酒十千得斗不可賒
材非世用自當去一舸聳牙揮釣車君能先往勿自滯
御選宋詩

卷五

歐陽修

三

行矣春洲生荻芽

答朱宋捕蝗詩

捕蝗之術世所非欲究此語興於誰或云豐凶歲有數
天孽未可人力支或言蝗多不易捕驅民入野踐其畦
因之姦吏恣貪擾户到頭斂無一遺蝗菑食苗民自苦
吏虐民苗皆被之吾嗟此語祇知一不究其本論其皮
驅雖不盡勝養患昔人固已決不疑秉蠱投火况舊法
古之去惡猶如斯旣多而捕誠未易其失安在常由遲
誥誥最說子孫衆爲腹所孕多蛄蚘始生朝畝暮已頃
化一爲百無根涯口含鋒刃疾風雨毒腸不滿疑常饑
高原下隰不知數進退整若隨金蠶嗟茲羽孽物共惡

不知造化其誰尸大凡萬事悉如此禍當早絕防其微
蠅頭出土不急捕羽翼已就功難施只驚羣飛自天下
不究生子由山陂官書立法空太峻吏愚畏罰反自欺
蓋藏十不敢申一上心雖惻何由知不如寬法擇良令
告蝗不隱捕以時今苗因捕雖踐死明歲猶免為蝻菑
吾嘗捕蝗見其事較以利害曾深思官錢二十買一斗
示以明信民爭馳斂微成衆在人力頃刻露積如京坻
乃知孽蟲雖甚衆嫉惡苟銳無難為往時姚崇用此議
誠哉賢相得所宜因吟君贈廣其說為我持之告采詩

和對雪憶梅花

昔官西陵江峽間野花紅紫多爛斑惟有寒梅舊所識

御選宋詩

卷三五

歐陽修

二五

異鄉每見心依然爲憐花自洛中看花上蜀鳥啼綿蠻
當時作詩誰倡和粉藻自折清香繁今來把酒對殘雪
却憶江上高樓山羣花四時媚者衆何獨此樹令人攀
窮冬萬木立枯死玉豔獨發凌清寒鮮妍皎如鏡裏面
綽約對若風中仙惜哉北地無此樹霰雪漫漫平沙川
徐生隨我客北郡冰霜旅舍逢新年憶花對雪晨起坐
清詩寶鐵裁琅玕長河風色暖將動即看綠柳含春煙
寒齋寂寞何以慰卯杯且醉酣午眠

石篆詩

并序

近蒙朝恩守此州州之西南有瑯琊山唐李幼卿
庶子泉者某在館閣時方國家詔天下求古碑石

之文集於閣下因得見李陽冰篆庶子泉銘學篆者云陽冰之迹多矣無如此銘者常欲求其本而不得於今十年矣及此來已獲焉而銘石之側又陽冰別篆十餘字尤奇於銘文世罕傳焉山僧惠覺指以示予予徘徊其下久之不能去山之奇迹古今紀述詳矣而獨遺此字予甚惜之欲有所述而患文辭之不稱思予嘗愛其文而不及者梅聖俞蘇子美也因為詩一首并封題墨本以寄二君乞詩刻于石

寒崑飛流落青苔旁斲石篆何奇哉
其人已死骨已朽此字不滅留山隈
山中老僧憂石泐印之以紙磨松煤

御選宋詩

卷十五

歐陽修

三五

欲令留傳在人世持以贈客比瓊瑰我疑此字非筆畫又疑人力非能為始從天地胚渾判元氣結此高崔巍當時野鳥踏山石萬古遺跡於蒼崖山祇不欲人屢見每吐雲霧深藏埋羣仙飛空欲下讀常借海月清光來嗟我豈能識字法見之但覺心眼開辭慳語鄙不足記封題遠寄蘇與梅

雪

時在潁州作玉月初梅練絮白舞鶴鶴銀等字皆請勿用

新陽力微初破萼客陰用壯猶相薄
朝寒稜稜風莫犯暮雪綏綏止還作
驅馳風雲初慘澹炫晃山川漸開廓
光芒可愛初日照潤澤終為和氣爍
美人高堂晨起驚幽士虛窗靜聞落
酒壚成徑集併翳獵騎尋踪得狐貉

龍蛇掃處斷復續，猊虎團成呀且攫。共貪終歲飽蕤麥，
豈惜空林饑鳥雀。沙墀朝賀迷象笏，桑野行歌沒芒屨。
乃知一雪萬人喜，顧我不飲何爲樂。坐看天地絕氛埃，
使我胸襟如洗滌。淪脫遺前言，笑塵雜。搜索萬象窺冥漠，
頽雖陋邦文士衆，巨筆人人把矛槊。自非我爲發其端，
凍口何由開一噱。

奉使道中作三首

執手意遲遲，出門還草草。無嫌去時速，但願歸時早。北
風吹雪犯征裘，夾路花開回馬頭。若無一月還家樂，爭
奈千山遠客愁。

爲客莫思家，客行方遠道。還家自有時，空使朱顏老。禁
御選宋詩

卷三五

歐陽修

三

城春色暖融，怡花倚春風。待客歸勸君，還家須飲酒。記
取思歸未得時。

客夢方在家，角聲已催曉。悤悤行人起，共怨角聲早。馬
蹄終日踐冰霜，未到思回空斷腸。少貪夢裏還家樂，早
起前山路正長。

和子履遊泗上雍家園

長橋南走羣山間，中有雍子之名園。蒼雲蔽天竹色淨，
暖日撲地花氣繁。飛泉來從遠嶺背，林下曲折寒波翻。
珍禽不可見，毛羽數聲清。絕如哀彈我來據石弄琴瑟，
惟恐日暮登歸軒。塵紛解剥耳目異，祇疑夢入神仙村。
知君襟尚我同好，作詩閤放莫可攀。高篇絕景兩不及。

久之想象空冥頑

御選宋詩卷第二十五

御選宋詩

卷三五

歐陽修

三

御選宋詩卷第二十六目錄

七言古詩二

蘇舜欽六首

梅堯臣十九首

蔡襄六首

龔宗元一首

劉敞二首

狄遵度一首

黃庶三首

蘇洵一首

曾鞏五首

御選宋詩

卷二十六

目錄

司馬光三首

王安石二十六首

御選宋詩卷第二十六

七言古詩二

蘇舜欽

贈釋祕演

高車大馬聞上京釋曰演者何聲名當年余嘗與之語
實亦可喜無俗情作詩千篇頗振絕放意吐出吁可驚
不肯低心事鑄鑿直欲澹泊趨杳冥落落我儒坐滿室
共論慤若木陷釘賣藥得錢輒沽酒日費數斗同醉醒
傷哉不櫛被佛縛不爾烜赫爲名卿數年不見今老矣
自說厭苦居都城垂頤孤坐若癡虎眼吻開合猶光精
雄心瞥起忽四顧便擬擊浪東南行開春余行可同載
御選宋詩

卷三六 蘇舜欽

一

相與曠快觀滄溟

中秋夜吳江亭上對月懷前宰張子野及寄君

謨蔡大

獨坐對月心悠悠故人不見使我愁古今共傳惜今夕
況在松江亭上頭可憐節物會人意十日陰雨此夜收
不惟人間重此月天亦有意於中秋長空無瑕露表裏
拂拂漸上寒光流江平萬頃正碧色上下清徹雙璧浮
自視直欲見筋脈無所逃遁魚龍憂不疑身世在地上
祇恐查去觸斗牛景清境勝反不足歎息此際無交游
心魂冷烈曉不寢勉爲筆此傳中州

越州雲門寺

翠嶂環合封白雲中有蕭寺三爲隣雲門梁武帝所作今分爲三寺相連老松
偃蹇若傲世飛泉噴薄如避人蒼猿嘯斷夜月古丹花
開遍陽崖春盤桓數日不忍去舟出邪溪猶慘神

往王順山值暴雨雷霆

蒼崖六月陰氣舒一霎暴雨如繩麤霹靂飛出大壑底
烈火黑霧相奔趨人皆喘汗抱樹立紫藤翠蔓皆焦枯
逡巡已在天中吼有如上帝來追呼震搖巨石當道落
驚嗥時聞虎與羆俄而青巔吐赤日行到平地晴如初
回首絕躡尚可畏吁嗟神怪何所無

依韻和伯鎮中秋見月九日遇雨之作

衆香愛春發枯莢我知惟動兒女懷天地昏酣醉夢裏
御選宋詩

卷三

蘇舜欽

二

人有爽思皆沉埋豈如秋風勁利劇刀劒刮破天膜清
光開衰根危蒂掃除盡辨別松竹并蒿萊青娥供霜洗
夜月兼以皓露驅纖埃常年此夕或陰晦今歲澄徹特
快哉是時呼賓賞此景漸見照我白玉杯清輝向人若
有意經歷窗戶猶徘徊放歌狂飲不知曉爛熳酌客山
岳頽時節飄流晦朔轉已覺九日來相催北軒隙地破
蒼蘚帶花移得黃金栽倒冠露頂坐狂客擷香咀藥浮
新醅最憐小雨灑疎竹爽籟颭颭吹醉腮君時傳詩頗
精麗意若泥淖不得來開緘文采自飛動欲和但愧頑
無才久之龜勉強爲答嫌春愛秋真可咍

和永叔琅邪山庶子泉陽水石篆詩

一氣破散萬事起，獨有篆籀含其真。周鼓秦山壞已久，下至唐室始有人。宗臣轉注得天法，質雖渾厚氣乃振。人間所存十數處，豐疎異體世共珍。其中琅邪石，泉記比之他法殊不倫。鐵鎖關連玉鈞壯，曲處力可挂萬鈞。復疑蛟虯植爪角，隱入翠壁蟠未伸。近來俗眼苦不賞，惟有風月時相親。紫微仙人謫此守，此地勝絕舊喜聞。公餘往觀領賓從，獵獵畫隼搖青春。遠休車騎步泉側，酌泉愛篆移朝昏。揮弄潺湲玩點畫，情通恍惚疑前身。作詩緘本遠相寄，邀我共賦意甚勤。昨承見教久，閣筆壓以大句尤難文。永叔近以書戒余作詩高風勝事日傾倒，安得身寄西飛雲。

御選宋詩

卷五

蘇舜欽

梅堯臣

三

梅堯臣

余令之會稽新昌

越舸將渡西陵時，臘雪欲作陰雲垂。古岼潮迴夜水閣，冰上鯉魚紅尾鬣。知君奉親聊自得，窮冬涉險仍熙熙。縣民但可觀此意，休羨江邊孝女碑。

觀楊之美畫

天官乘車建朱旗，赤幡前亞風卷披。二龍緩駕蒼鬣垂，印箱傷挈文籍隨。雙驂推輓如畏遲，行從冠服多威儀。水官自有真龍騎，兩佐並跨鯨尾螭。步趨羣吏怪眼睂，雲生海面無端涯。雷部處上相，與期人身獸爪負鼓馳。後有同類挾且搥，次執電鏡風囊吹青蛇。有角魚足鬣

上下引導神所施地官既失不可知此畫傳是閩令爲
設色鮮潤筆法奇絹理膩滑雞子皮吳生龍王多裂隳
八軸展玩忘晨炊李成山水曉景移黃荃花竹雀擁枝
韓幹馬本摸搨時神駿都失存毫釐日高腹枵眼皆眵
邂逅獲見何言疲厚謝主翁意不衰他日飽日看無遺

送吳照鄰都官還江南

霜前江水磨碧銅岸背菱葉翹赤蟲吳郎鬢絲蒼幾縷
不羞月上扶桑東羞見清波照人影去時黑髮吹春風
五年歸來婦應喜從此不問西飛鴻

采芡

蝟毛蒼蒼磔不死銅盤轟轟釘頭生吳雞鬪敗絳幘碎

御選宋詩

卷三

梅堯臣

四

海蚌吐出真珠明磨沙漉水苧殼滑斫桂煮釜風波聲
齒如編貝嚼明月曼倩不復饑腸鳴莫論一斛貴與賤
堂上狼籍無由行

二十四日江鄰幾邀觀三館書畫錄其所見

五月祕府始暴書一日江君來約予世間難有古畫筆
可往共觀臨石渠我時跨馬冒熱去開櫥發匣鳴鑰魚
羲獻墨迹十一卷水玉作軸光䟽䟽最奇小楷樂毅論
永和題尾付官奴又看四本絕品畫戴嵩吳牛望青蕪
李成寒林樹半枯黃荃工妙白兔圖不知名姓貌人物
二公對奕旁觀俱黃金錯鏤爲投壺粉障復畫一病夫
後有女子執巾裾牀前紅氍毹平圍爐牀上二姝展黻毼

繞牀屏風山有無畫中見畫三重鋪此幅巧甚意思殊
孰真孰假丹青模世事若此還可吁

送弟禹臣

王都寓居樹陰少惟有牆隅兩株棗去年相見棗花開
今年相別棗實好棗實未剥風莫吹我髡愁多似蓬葆
淮南到時何所逢秋葉蕭蕭蟹應老憶昔共歸江上初
對飲蘆洲月如縞半夜魚跳鏡破光萬事觸然何足道
自此重經二十秋不改青青岸蒨草

和宋中道元夕

結山當衢面九門華燈滿國月半昏春泥踏盡游人繁
鳴蹕下天歌吹喧深坊靜曲走車轅爭前鬪盛忘卑尊
御選宋詩

卷三

梅堯臣

五

使風

跨下橋南逆水風十幅蒲帆彎若弓淮波帶日魚鱗紅
岌岌飛上北斗中龜山始撞人定鐘岸草澁澁鳴秋蟲

乾明院碧鮮亭

壞衣削髮遠塵垢蛇祖龍孫生屋後不等渭川千戶侯
尺椽片瓦何嘗有方丈東頭一畝餘中軒四面無窗牖
青瓊作枝鈿爲葉丹鳳未食蒼鼠走細藤織榻白晝眠
寢濃鼻息如雷吼世間百事不歷心門外寒流徹溪口
得餘千李尉書錄示唐人千越亭詩因以寄題

餘水之干越之鄙築基相對琵琶尾琵琶日有秋聲
鴈過洞庭風入葦南斗戛湖波不起長刀剡峰碧耳耳
姹娥夜出在寒溪青銅瑩磨光幾里朝因吳客幅蒲輕
滿帝如蠶書可喜

南軒盆植重臺蓮移種池中

彤雲赤霧生緒房朝霞變藥朱粉光白玉入泥不滿盞
羽蓋裛露明月璫濁水一石亂鼃甬鑿池五丈如斗方
萍根科斗得自在荷芰明年出水央

設鱸示坐客

汴河西引黃河支黃流未凍鯉魚肥隨鉤出水賣都市
不惜百金持與歸我家少婦磨寶刀破鱗奮鬚如欲飛
御選宋詩

卷三

梅堯臣

六

蕭蕭雲葉落盤面粟粟霜葡萄爲縷衣楚橙作齏香出屋
賓朋競至排入扉呼兒便索沃腥酒倒腸飮腹無相譏
逡巡餅竭上馬去意氣不說西山薇

十月十八日

霜梧葉盡枝影踈井上青絲轉轆轤西廂舞娥豔如玉
東楯貴郎才且都纏頭誰惜萬錢錦暎耳自有明月珠
一爲轆轤情不已一爲梧桐心不枯此心此情日相近
卷起飛泉注玉壺

龍女祠祈順風

龍母龍相依風霜隨所變舟人請予往出廟旗脚轉旗
指西南歸飛帆疾流電長蘆江口發平明白鷺洲前已

朝膳竹根盃玳不欺人世間然諾空當面

邵郎中姑蘇園亭

吟愛樂天池上篇買池十畝皆種蓮薄城萬竿竹嬋娟
藤纜繫橋青板船折腰大菱不直錢鷓鴣瀟沙際眠
水從太湖根底穿月出洞庭山上圓公歸與客相留連
秋風鶴唳春杜鵑斑鱸斫膾紅縷鮮紫豉煮莼香味全
我思白傅在三川吳船雖有吳饌偏當時九老各華顛
裴令來過吟復聯至今怪石存舊鐫七葉樹蔭黃金田
羨公有子勝昔賢高門通車千萬年

觀王氏書

先觀雍姬舞六么妍葩發豔春風搖舞罷英英書大字

御選宋詩

卷三 梅堯臣

七

玉指握管濃雲飄風馳雨驟起變怪文鱗畫飛明珠跳
席客聚立驚且歎筆何勁健人柔天昔時裴旻能舞劍
丹青助氣精神超藝雖不同意有會世事相假非一朝
寄題沈比部江洲齊雲樓

遠目不高不可極朱樓要與浮雲齊江流萬古平泱莽
山雨一過寒淒迷賈客檣下望吹笛漁郎浦前看斷霓
飲飛射蛟水花伏高士種柳煙條低羣雁有時至自此
洪潮到此不更西君家隱侯有八詠風雅未盡留人題

送次道學士知太平州

春滿楊花撩亂飛春江魴魚來正肥采石新林兒女去
茭白蒲牙艇子歸歸令煮魚不得熟已望使君船上磯

上磯亦不待潮應爭牽筏纜泥污衣姑孰溪頭搥大鼓
紅抹靴刀趨俯僂牙兵可擬岸旁蘆森森甲立雄南土
更得西州謝法曹新詠定多傳樂府

金陵有美堂

李白愛山如洛陽三盃爲歌愁日長廢基臺殿不可識
玉燕舊棲王謝堂公來碧瓦起棟宇羅列圖書牙作牀
池頭古月城下江照見萬里冰雪光江流不盡月不死
寒浪素影東西翔願公樂此殊未央慎勿區區思故鄉

蔡襄

御筆賜字詩

皇華使者臨清晨手開寶軸香煤新
泂名與字發深旨
御選宋詩

卷三十六

梅堯臣

蔡襄

八

宸毫灑落奎鉤文精神高遠照日月勢力雄健生風雲
混然氣質不可寫乃知學到非天真緘藏自語價希代
誰顧四辟嗟空貧臣聞帝舜優聖域臯陶大禹爲其鄰
吁俞勅戒成典要垂覆後世如穹旻陛下仁明如舜禹
豪英進用司鴻鈞臣襄材智最駑下豈有志業通經綸
獨是丹誠抱忠樸常欲贊奏上古珍又聞孔子春秋法
片言褒貶賢愚分考經內省不自稱但思至理書諸紳
乾坤大施入洪化將圖報効無緣因誓心願竭謨謀義
庶禔萬一唐虞君

至和雜書五首

錄四首

八月一日

淮天過盡入吳渠，蘭亭晚日光踈疎。
金桃傅粉好顏色，綠醞泛豔深車渠。
觥巡屢卷明星出，花翹零落隨衣裾。
么絃不動凝古意，春容淺破長睂舒。
庭院簾帷一齊下，紅蠟陰沉霜滿瓦。
雞頭軟熟七月終，舉手分傳玉盈把。
席前碧甕覆瑤漿，一秋愁淚風前灑。
雲中寶暈萬重高，付與輕綃藏水麝。
孤城寒柝夜迢遙，誰道劉郎有天馬。
歸來却問東海桑，海浪漫漫彩虹挂。
紅絲縈膾曉刀鳴，雙龍笑斷夢中驚。
莫將團扇掩塵匣，曾障清歌十數聲。

八月二日

濃雲瞥過雙鳳飛，清顏照射朝日暉。
畫船南畔煙成障，鮮荷掩護仙鉢衣。
凝魂杳眇不知處，酒醺香破驚新知。

御選宋詩

卷二十六

蔡襄

九

一聲入耳醉人骨，天容牢落星點稀。
海山萬里風濤外，扶桑未老成春絲。
春絲不斷縈成結，玉環宛轉無窮時。
曉簾半上香飄穗，笑指冰壺凝遠淚。
秦樓後夜鏤孤鸞，秋風不動烏龍睡。
願將瓊樹隔花看，一一花房暗相值。
濁水芙蓉天際雲，長時倚望清江濱。
迎來未語送歸速，暮山紫翠空含頰。
勸君美酒千萬壽，情如芳草年年新。

八月九日

曉虹跨江一千尺，平浪東西入天碧。
遊人初覺秋氣涼，衣不禁風薄羅窄。
漁家小艇方醉眠，艇裏長魚三尺白。
彩欄比倚數流螢，似與流螢舊相識。
香脂揩盡暗成雲，銀甲試絃初未直。
橋前流水聲潺潺，年華一去何時還。

重來若問桃花路記取松亭月影間

八月十二日

高樓中天月色淨玉山禾熟秋雲映草邊水際見流螢
流螢獨自尋香徑稜層鴈塔挂千燈密意雖通語還併
城上驚烏飛復啼落泊無依終不定欲下長橋夜漏深
燭臺飄爇青梧陰仙人若也乘鸞去彩霧千重處處尋
寒食梨花下小飲

江南寒薄春嘗早花卉入春先自老嗟余衰病不及時
出見池園半青草縱有餘葩在葉間行看落片隨風掃
尋春已過索寞歸重憶歡娛耿懷抱雖然妖豔難再得
但只逢花須醉倒二月中央寒食朝牆隈忽見梨花飄
御選宋詩

卷三六

蔡襄龔宗元

十

開門四顧粲然白傳催翠帟賓朋招長吟環繞不知數
漸值明月臨清霄誰剪輕雲成碎藥天留密雪封枯條
重重盡挂珠纓絡簌簌初呈籩步搖傍花行酒發新唱
滿座列舉黃金瓢西都姚黃高一尺揚州寶髻分雙翹
幽香絕豔信尤物設欲置之千里遙辟門寫生亦名畫
未免五彩塗鮫綃莫如此君慰人意相對一笑開無慆
古來英豪多感激坐使綠鬃朱顏凋勸君且作梨花飲
慎勿稱量別流品

龔宗元

夜宴

兔魄侵堦夜三刻蜀錦堆香花院窄風動簾旌玳瑁寒

露垂蟲網珍珠白美人正席羅絃管綺幄雲屏爐麝爇
只恐金壺漏水空不泊鸞觴琥珀滿勸君莫負秉燭遊
曾見古人傷晝短

劉敞

寒林石屏風

屏風畫山皆任假寒林石屏自然者蒼紋紺脈亂交加
短樹高枝自瀟灑觀者寧知畫與非但怪奇妙非人爲
又疑古苔著石瘦何得本末無纖遺桑田變海松栢死
寒暑不及榮枯期佳哉大鈞育羣類埏鎔精巧無巨細
天真道貌皆生成俗師筆墨空形似居人幽獨最相宜
樸厚遠謝雕鏤姿城中雲母屏更好慎勿浪示豪家兒
御選宋詩

卷三

龔宗元

劉敞

狄遵度

七

雨過前軒偶作

江南羈客懷鄉里晚起前軒對零雨清波滿目如鑑中
遶岸高松十餘樹砌旁芳草似汀洲巉巖殿角飛紅樓
沉光倒影入浪底宛是若耶溪上頭薄霧疎煙迷近遠
水色誰能辨深淺忽驚謝去塵中游不知正是居京輦
何人草服倚長松迴頭誤問釣魚翁眼前景致偶相向
豈異仙術遊壺中

狄遵度

和渙之深秋月夜書事

洞庭葉下涼颼颼凍天頑白凝不流圓月擬缺不忍缺
輕露欲浮終未浮憶吹朱籟鳳翥上更採紫芝雲嶠陬

玉樓天半幾千尺珠樹玲瓏懸上頭

黃庶

遊石甕寺

泉飛自有迎客意聲到山前入人耳泉聲引行不知疲
石路磽确折屐齒長安睫滿車馬塵林岳夜來夢寐
雲煙郊原鋪古圖心眼開快明如洗渭流屈曲成大篆
書破野色爲綠紙丘墟沉吟古興廢秋風正入紅樹起
折碑斷垣臥荆棘意思紛亂不可理窮幽更下蒼崖根
把酒坐聽潺湲醉山花似欲勸苦飲時散清香入人鼻
奔走恨不身長遊喜寫姓名藏薜荔

登見山樓

御選宋詩

卷二十一

狄遵度 黃庶

十三

太守終南爲客主出入厭倦馬與車與山朝夕欲還往
作樓近在室一隅主人去久山寂寞正值青帝摧焦枯
我拘簿書甚桎械擺脫步上提酒壺郊原猶未見春色
似據水墨長安圖也知好景天更惜高峰常是雲糝糊
安得風伯持大箕掃洒百里如屏鋪顯昧萬狀古詩國
收拾可禿千毫書我來願作風雅戶醉倒坐待明月扶
去家若有巖下夢免得夜夜尋歸途

遊石池潭

吾家溪潭動百尺坐見遊魚可倒指月明無風水不動
釣絲鑑中出朱鯉乘閑具酒席草岸呼網一舉常百尾
鱸霜炙玉眠鳴夷樹掛落日醉不起幾年手板負青山

趣魚舡聲不入耳涼秋九月役吏事瘦馬奔走黃葉裏
有酒不得好景飲訪古或問芻牧子指我石池十里近
蒼苔裏崖碧無底楚王北遊歎寂寞創奇造幽有遺址

舞陽民傳楚襄王遊
此臨河以石爲池

我來徘徊知是否興廢盡可付流水髣髴

故溪在吾目濯手漱齒有餘思開樽喜與風景遇蘆花
入盃勸人醉漁翁有意助酒卮青竹盡日垂空餌我疑
溪靈靳異景不遣紅鱗滿人意人生天地未歸客計較
貴賤羞犬彘當須醉倒載月歸不信鄉夢留不止

蘇洵

丙申歲余在京師鄉人陳景回自南來棄其官
得太子中允景回舊有地在蔡今將治園圃於

御選宋詩

卷六

黃庶 蘇洵

十三

其間以自老余嘗有意於嵩山之下洛水之上
買地築室以爲休息之館而未果今景回欲詩
遂道此意景回志余言異日可以知余之非戲

云爾

岷山之陽土如腴江水清滑多鯉魚古人居之富者衆
我獨厭倦思移居平川如手山水感恐我後世鄙且愚
經行天下愛嵩岳遂欲買地安妻孥晴原漫漫望不盡
山色照野光如濡民生舒緩無天札衣冠堂堂偉丈夫
吾今隱居未有所更後十載不可無聞君厭蜀樂上蔡
占地百頃無邊隅草深野濶足狐兔水種陸收身不劬
誰知李斯顧秦寵不獲牽犬追黃狐今君南去已足老

行看嵩少當吾廬

曾鞏

送李撰赴舉

湖水碧槐花黃山川搖落窗戶涼宿雲星稀日東出青
冥風高雁南翔華堂昨夜讀書客匹馬今朝遊大梁風
銜拂塵見飛影把握驚人持夜光康衢四關通爲里天
駟得地方騰驥我留東山意頗卓屏棄外慮無毫芒子
能相從味冲漠捉筭勿暫遲歸裝

喜晴

天晴萬里無纖風江平水面磨青銅光華逸發萬物上
精氣夔與扶桑通我行江漢道苦惡十步九折遺西東
御選宋詩

卷三 蘇洵 曾鞏

西

况遭積雨駕高浪沙翻石走相撞春操舟衆工立噤岸
濕槽鑽火磨星紅荒蹊成豬尺寸礙永日四望無人蹤
一時得意數蛙黽鳴躍振踞泥塗中陰消陽勝有先兆
宇宙丹翠舍冲融今晨霾曠一掃蕩羲和徐行驅六龍
眼明意豁萬事快預喜來年麩麥豐

東津歸催吳秀才寄酒

荒城嬾出門常掩春氣欲歸寒不斂東林咫尺猶不到
况乃傍溪潭石險風光得暖才幾日不覺溪山碧於染
欣然與客到西岸衣幘不避塵泥點谷花洲草各萌芽
高下迸出如刻劍梅花開早今已滿若洗新妝竟妖臉
柳條前日尚憔悴時節與催還荏苒沙禽翅羽亦已好

爭趁午暄浮翠湫從今物物已可愛有酒便醉情何嫌
君厨山杏舊所識速致百壺須濫濫心知萬事難刻畫
惟有醉睡知不忝預愁醅酌苦太熱已令灑屋鋪風簟
送豐稷

桃花染破南山青漢江此時春水生客舟相語人夜起
勁艣亂江羣鴈聲知君漂泊動歸思告我舉裝千里行
宏材壯志風雨發綠鬢少年冰雪清讀書一見若經誦
下筆千言能立成精微自得有天質操行秀出存鄉評
嗟從薄祿困流滯能誘鄙俗銷紛爭弦歌躬勸士強學
田里堵安人力耕嗟余據按但畫諾遇事束手方蒙成
雖知璞玉難強獻欲挂塵榻空含情歲寒不變乃知確
御選宋詩

卷六

曾鞏

五

物理先否終當亨維舟且盡今夕語明日帆隨百鳥輕

聽鵲寄家人

鵲聲啞啞寧有知家人聽鵲占歸期物情固不等人事
爾意自驚思別離秋風粲粲正可愛黃菊芙蓉開滿枝
春風千樹變顏色遠水靜照紅霞衣梧桐楊柳豈知數
沙步露冷銀牀欹新黃暗綠各自媚爛漫未減春風時
誰言秋物不可賞人意自移隨盛衰山田正冷酒味美
禾黍半收雞鶩肥霜犁野粟處處有雪蜜薦口清香隨
鄉園物物可想見我意祇隨魂夢飛家人未用占鵲語
應到歸時春亦歸

芙蓉臺

芙蓉花開秋水冷水面無風見花影飄香上下兩嬋娟
雲在巫山月在天清瀾素礫為庭戶羽蓋霓裳不知數
臺上遊人下流水柱脚亭亭插花裏欄邊飲酒擢女歌
臺北臺南花正多莫笑來時常著屐綠柳牆連使君宅
司馬光

朝雞贈王樂道

小雞距短雙翅垂廣場勇鬪無所施清曉長鳴獨先衆
朝者恃此能知時星河滿天月光白東望扶桑悄無色
一聲高舉耳目醒四遠羣陰俱辟易陋巷人疎煙火稀
永夜沉沉鐘鼓微聞之徐起就盥櫛顛倒不復憂裳衣
君家迥居北城曲阿閣嵯嶢日鳴玉蕭蕭風雨得司晨
御選宋詩

卷三

曾鞏 司馬光

六

不使無功啄君粟

懷素書

上人工書世所稀於今散落無復遺君從何處獲數幅
敗絹蒼蒼不成軸雲流電走何縱橫昏醉視之雙目明
烈火燒林虎豹慄疾雷裂地龍蛇驚須臾掛壁未收卷
陰風颯颯來吹面祇疑神物在閭中寶祕不令關俗眼
嗟余平生不識書但愛意氣豪有餘欲求數字置座側
安得滿斗千金珠

道侂田家

田家翁媪俱垂白敗屋蕭條無壯息翁攜鎌索媪攜箕
自向薄田取黍稷靜夜偷春避債家比明門外已如麻

筋疲力盡不入腹未議縣官租稅促

王安石

純甫出釋惠崇畫要予作詩

畫史紛紛何足數惠崇晚出吾最許早雲六月漲林莽
移我脩然隨洲渚黃蘆低摧雪翳土鳧雁靜立將儔侶
往時所歷今在眼沙平水澹西江浦暮氣沉舟暗魚罟
歇眠嘔軋如聞櫓頗疑道人三昧力異域山川能斷取
方諸承水調幻藥灑落生綃變寒暑金坡巨然山數堵
粉墨空多真漫與大梁崔白亦善畫曾見桃花淨初吐
酒酣弄筆起春風便恐漂零作紅雨罵流探枝婉欲語
蜜蜂掇蘂隨翅股一時二子皆絕藝裘馬穿羸久羈旅
御選宋詩 卷五 司馬光 王安石

十七

華堂豈惜萬黃金苦道今人不如古

春日晚行

門前楊柳二三月枝條綠煙花雪白呼童羈我果下驢
欲尋南岡一散愁綠岡初日溝港淨與我門前綠相映
隔淮仍見裊裊垂佇立怊悵去年時杏花園西光宅路
草暖沙晴正好渡興盡無人檝迎我却隨倦鷗歸薄暮

寄朱昌叔

西安春風花幾樹花邊飲酒今何處一杯塞上看黃雲
萬里寄聲無雁去世事紛紛洗更新老來空得滿衣塵
青山欲買江南宅歸去相招有此身

移桃花示俞秀老

舍南舍北皆種桃東風一吹數尺高枝柯薦綿花爛熳
美錦千兩數亭臯晴溝漲春綠周遭俯視紅影移漁舸
山前邂逅武陵客水際髣髴秦人逃攀條弄芳畏晚晚
已見黍雪盤中毛仙人愛杏令虎守百年終屬樵蘇手
我哀此果復易朽蟲來食根那得久瑤池紺絕誰見有
更入花時且追酒君來酩酊相隨否

張良

留侯美好如婦人五世相韓韓入秦傾家為主合壯士
博浪沙中擊秦帝脫身下邳世不知舉國大索何能爲
素書一卷天與之穀城黃石非吾師固陵解鞍聊出口
捕取項羽如嬰兒從來四皓招不得爲我立棄商山芝
御選宋詩

卷二十六

王安石

六

洛陽賈誼才能薄擾擾空令絳灌疑

送春

武陵山下朝買船風吹宿霧山花鮮萬家笑語橫青天
綺窗羅幕舞嬋娟小鬟折花叩船舷玉琰瀉酒疇金錢
朱甍飛動浮雲嘯天外箎簫來宛轉斷橋人行夕陽路
樓觀琉璃影中見酖顏未分驂騮催燭入坐客猶徘徊
豈知閭闔門邊住春盡不見芳菲開日月紛紛車走阪
少年意氣何由挽洞庭浪與天地白塵昏萬里東浮眼
黑貂裘敝歸幾時相見綠樹啼黃鸝榮華俯仰憂患隨
命駕吾與高人期

虎圖

壯哉非熊亦非貙目光夾鏡當坐隅橫行安尾不畏逐
顧盼欲去仍躊躇卒然我見心爲動熟視稍稍摩其鬚
固知畫者巧爲此此物豈肯來庭除想當槃礴欲畫時
睥睨衆史如庸奴神閒意定始一掃功與造化論錙銖
悲風颭颭吹黃蘆上有黃雀驚相呼槎牙死樹鳴老烏
向此俛囁如哺雛山牆野僻黃昏後馮婦遙看亦下車

陳橋

走馬黃昏渡河水夜爭歸路春風裏指點韋城太白高
投鞭日午陳橋市楊柳初回陌上塵胭脂洗出杏花勻
紛紛塞路堪追惜失却新年一半春

奉使道中寄育王山長老常坦

御選定詩

卷六

王安石

九

道人少賈海上遊海舶破散身沉浮抱金滿篋人所寄
吹簫偶得還中州羸身歸金不受報祇取斗酒相獻酬
歡娛慈母終一世脫棄妻子藏巖幽蒼煙寥寥池水漫
白玉菡萏吹高秋夜燃栢子煮山藥憶此東望無時休
塞垣春枯積雪流沙礫盛怒黃雲愁五更匹馬隨雁起
想見鄮郭花今稠百年夸奪終一丘世上滿眼眞悠悠
寄聲萬里心綢繆莫道異趣無相求

送程公闢守洪州

畫船插幟搖秋光鳴鐃傳鼓水洋洋豫章太守吳郡郎
行指斗牛先過鄉鄉人出郭航酒漿魚鼈鱸魚炊稻梁
芡頭肥大菱腰長醞醞喧呼坐滿牀怪君三年滯瞿塘

又驅傳馬登太行纓旄脫盡歸大梁翻然出走天南疆
九江左投貢與章揚瀾吹漂浩無旁老蛟出水風助狂
盤渦忽圻千丈強君聞此語悲慨慷迎吏乃前持一觴
鄱州歷選多雋良鎮撫時有諸侯王拂天高閣朱鳥翔
西山蟠繞鱗鬣蒼下視城塹真金湯雄樓傑屋鬱相望
中戶尚有千金藏漂田種稻出穰穰沉檀珠犀雜萬商
大舟如山起牙檣輸瀉交廣流荆揚輕帚利屣列名倡
春風蹋謠能斷腸平湖灣塢煙渺茫樹石珍怪花草香
幽處往往聞笙簧地靈人秀天所藏勝兵可使酒可嘗
十州將吏隨低昂談笑指揮回雨暘非君才高力方剛
豈能跨有此一方無爲聽客欲霑裳使君謝吏趣治裝
御選宋詩

卷三

王安石

三

我行樂矣未渠央

彭蠡

茫茫彭蠡春無地白浪春風溼天際東西捩柂萬舟回
千歲老蛟時出戲少年輕事鎮南來水怒如山帆正開
中流蜿蜒見脊尾觀者膽隨余方吟衣冠今日龍山路
廟下沽酒山前住老矣安能學飲飛買田亟棄江湖去
董伯懿示裴晉公平淮右題名碑詩用其韻和

酬

元和伐蔡何危哉朝廷百口無一諧盜傷中丞偶不死
利劍白日投天街裏瘡入相議軍旅國火一再更檀槐
上前慷慨語發涕誓出按撫除睽乖指撝光顏戰洄曲

鬪如怒虎搏虺豺，翹能捕鹵取肝鬲，護送密乞完形骸。
笞兵夜半投死地，雪溼不敢燃薪薰，空城豎子已可縛。
中使尚作嗁兒哇，退之道此尤僞偉，當鏤玉牒東燔柴。
欲編詩書播後嗣，筆墨雖巧終類俳，唐從天寶運中圯。
廊廟往往非忠佳，諸侯縱橫代割據，疆土豈得無離孤。
德宗末年懲戰禍，一矢不試塵蒙鞞，憲皇初起衆未信。
意欲立掃除昏霾，追還清明救薄蝕，屢勅主府拘窮蛙。
王師傷夷征賦窘，千里亦忌毫釐差，小夫偷安自非計。
長者遠慮或可懷，桓桓晉公忠且壯，時命適與功名偕。
是非末世主成敗，烜赫今古誰譏排，賢哉韋純議北赦。
倉卒兩伐尤難皆，重華聲明彌萬國，服苗于羽舞兩階。
御選宋詩

卷六

王安石

五

宣王側身內修政，常武德立能平淮，昔人經綸初若緩。
欲棄此道非吾儕，千秋事往蹤跡在嶽石，欵記如湘崖。
文嚴字麗皆可喜，黃埃蔽沒蒼蘚埋，當時將佐盡豪傑。
想此兵禱陪祠齋，君曾西遷爲拓本，濡麝割蜜親劖揩。
新篇波濤特浩蕩，把卷熟讀迷津涯，褒賢樂善自爲美。
當掛廟壁爲詩牌。

出鞏縣

昭陵落月煙霧昏，篝火度谷行山根，投鞭委轡涉數村。
寤出鞏縣城東門，向南宮闕不可見，但有洛水流渾渾。

書任村馬鋪

兒童繫馬黃河曲，近岸河流如可掬，任村炊米朝食魚。

日暮滎陽驛中宿投老經過身獨在當時洲渚今平陸
秋黍冥冥十數家仰視荒蹊但喬木冰盤羹美客自知
起看白水還東馳爾來百口皆年少歸與何人共此悲

久雨

煤炷著天無寸空白沫上岸吹魚龍羲和推車出不得
河伯欲取山爲宮城門晝開眠百賈饑孫得糟夜哺翁
老人慣事少所怪看屋箕踞歌南風

汴水

汴水無情日夜流不肯爲我少淹留相逢故人昨夜去
不知今日到何州州州人物不相似處處蟬鳴令客愁
可憐南北意不就二十起家今白頭

御選宋詩

卷三

王安石

三

憶北山送勝上人

蒼藤翠木江南山激激流水兩山間山高水遠魚鳥樂
車馬絕迹人長閑雲埋樵聲隔蔥蒨月弄釣影臨潺湲
黃塵滿眼衣可濯夢寐惆悵何時還

次韻酬微之贈池紙并詩

微之出守秋浦時椎冰看擣萬穀皮波工龜手咤今樣
魚網肯數荊州池霜紈奪手賈不售虹玉喪氣山無輝
方船穩載獻天子善價徐取供吾私十年零落尚百一
持以贈我隨清詩君寧久寄金穀地方執賜筆磨均螭
當留此物朝上國日侍帝側書新儀不然名山副史本
褒拔元凱誅窮奇咨予文章非世用畫鏤空爾糜冰脂

揮毫才足記姓名，竊學又恥從師。宜恩恩點污，亦何忍嘉貶。但覺難爲辭，篇終有意責。趙璧窮國恐，誤連城歸。傾囊倒篋聊一報，安敢坐以秦爲雌。

明州錢君倚衆樂亭

侯君幕府開東部，名高海曲人。知慕艤船談笑政，卽成洗滌山川作嘉趣。平泉浩蕩銀河注，想見明星弄機杼。載沙築成天上路，投虹爲橋取孤嶼。掃除荆棘水中央，碧瓦朱甍隨指顧。春風滿城金版舫，來看置酒新亭上。百女吹笙彩鳳悲，一夫伐鼓靈鼉壯。安期羨門相與遊，方丈蓬萊不更求。酒酣忽跨鯨魚去，陳迹空令此地留。

飲裴侯家

御選宋詩

卷三六

王安石

三

裴侯飲我日向中，四座賓客顏皆紅。掃除高館邀我入，自出糶麥憐民窮。天邊眼力破萬里，桑麻冥冥山四起。野心探尋殊未已，更欲湔衣北城水。忽見碧樹櫻桃懸，下馬恣食不論錢。赤星磊落入我眼，恐是半醉遊青天。裴侯方坐塵沙裏，沒身救物當如此。我曾偶脫簿領間，何忍愛惜一日閑。且歸拂席飽眠睡，明日更看滁南山。

九井得盈字

松崖涉澗三十里，高下犖确無人耕。捫蘿挽葛到山趾，仰見吹瀉何崢嶸。餘聲投林欲風雨，末勢卷土猶溪阮。飛禽凌競走獸慄，霜雪夏落雷冬鳴。野人往往見神物，鱗甲漠漠雲隨行。我來立久無所得，空數石上菖蒲生。

中官繫龍沉玉冊小史礫狗澆銀觥地形偶爾藏險怪
天意未必司陰晴山川在理有崩竭丘壑自古相虛盈
誰能保此千世後天柱不折泉常傾

寄題衆樂亭

陵陽遊觀吾所好恨不即過衆樂亭嘗聞髣髴如夢寐
吟筆自欲圖丹青千峰秀出百里外忽於其上崢簷楹
朝雲噓岳日暖暖夜水落澗風泠泠春花窈窕鳥爭舞
夏木蔭鬱猿哀鳴潦收葉落天地爽海月影到山川明
籃輿晨出誰與適坐與萬物觀虛盈令思民事不忍後
田間笑語催蠶耕吏休歸舍獄訟少墟落飲酒欲秋成
惟愁一日奪令去出來老稚交逢迎彼民安知方祿仕
御選宋詩

卷三

王安石

三

書會別亭

西城路居人送客西歸處年年借問去何時今日扁舟
從此去春風吹花落高枝飛來飛去不自知路上行人
亦如此應有重來此處時

僧德殊家水簾求予詠

淙淙萬音落石顛皎皎一派當簷前清風高吹鸞鶴唳
白石下照蛟龍涎浮雲妝額自能卷缺月琢鉤相與懸
朱門試問幽人價翡翠鮫綃不值錢

復至曹娥堰寄剡縣丁元珍

溪水渾渾來自北千山抱水清相射山深水急無艇子

欲從故人安可得故人昔日此水上樽酒扁舟慰行役
津亭把手坐一笑我喜滿懷君動色論新講舊惜未足
落日低徊已催客離心自醉不復飲秋果寒花空滿席
今年却坐相逢處怱悵難求別時迹可憐溪水自南流
安得溪船問消息

登越州城樓

越山長青水長白越人長家山水國可憐客子無定宅
一夢三年今復北浮雲縹緲抱城樓東望不見空回頭
人間未有歸耕處早晚重來此地遊

御選宋詩

卷三十六

王安石

三五

御選宋詩卷第二十六

